

BUK SI OMEET LAL MOSES,

PANPAN

GENESIS.

Genesis buk si su fwakak ke mutamwauk. El tiu fwakak mugenu ke mutamweyen kosrao *a* fwalu, *a* ke mutamweyen moul lun sak *a* kosro *a* met, *a* ouyepa ke mutamweyen alu *a* kise *a* mari *a* sou lun met, *a* ma sito *a* mise. Akul in buk si *ine* ouyepa fwakak ke sifwil isusla, *a* orekla sasuu.

In Genesis ouyepa God El mutamwauk in sifwanu fwakulak nu sin met. Oas tolu *e* yok en God, Elohim, Jehova, *a* Adonai, *a e* *ine* nu kemwu oas in Genesis. Oas pa kutu *e* toeni en God, *a* limekos *e* *ine* oas in buk si *ine*. Oas oalkos mwuleun yok in maslon God *a* met, *a* akosr mwuleun *ine* oas in Genesis, mwuleun ke Eden, mwuleun kel Adam, mwuleun kel Noa, *a* mwuleun kel Ebream.

Ituk kas in Genesis yok liki pal onnoul nu in buk sienoul itkos in Testament Sasuu.

Tu Genesis sie buk lun God, *a* fwakak paye ke God akpayeyuk ke sramsram lun met, *a* ke kas lun Kraist. (Mt. 19: 4-6; 24: 37-39; Mk. 4: 4-9; Lk. 11: 49-51; 17: 26-29, 32; Jon 1: 51; 7: 21-23; 8: 44, 56). Genesis kitakatelik in ip limekos: I. Orekla (1: 1-2: 25). II. Putatla *a* Molela (3: 1-4: 7). III. Luo fute tiu oanuu sie, Kein *a* Set, nu ke pal in Sronot (4: 8-7: 24). IV. Pal Sronot nu ke Bebel (8: 1-11: 9). V. Pannol Ebream me nu ke mise lal Josef (11: 10-50: 26).

SAPTER 1.

Orekla si omeet.

KE mutamwauk God El orala kosrao *a* fwalu.

Jon 1: 1; Sam 89: 11; Kol. 1: 16.

Kunausyuk fwalu ke nununku (Jer. 4: 23-26).

2 *A* fwalu wanin luma *a* wanin kwano; *a* los on fwain mutun mwea.

A Nun lun God apusye mutun kofu.

Mutamwauk sasuu-len si omeet: kalem sikme.

3 *A* God El fwak, Lela in kalem: *a* na oas kalem.

Sam 33: 9; II Kor. 4: 6.

4 *A* God El liye kalem, tu mwo: *a* God El orelik kalem liki losu.

5 *A* God El panon kalem Len, *a* los El panon Fon. *A* ekela *a* lututan in len si omeeta.

Sam 74: 16; 104: 20.

*Len si aktuo: ok lun *a* kof ye.*

6 *A* God El fwak, Lela enyenu in on in maslon kofu, *a* lela lan orelik kofu liki kofu.

7 *A* God El orala enyenu, *a* orelik kof su yetun enyenu liki kofu su ye enyenu: *a* na ou *ine*.

8 *A* God El panon enyenu Kosrao. *A* ekela *a* lututan in len si aktuo.

*Len si aktolu: Fwalu *a* Mwea: Moul lun sak sikme.*

9 *A* God El fwak, Lela kof ye enyenu in tukeni nu sie, a lela fwal pao in sikme : a na ou ine.

Job 26: 10; Sam 33: 7.

10 *A* God El panon fwal pao Fwalu; a yen kof tukeni nu sie we El panon Mwea : a God El liye tu nu mwo.

11 *A* God El fwak, Lela fwalu in akkapyeak maa, maasrik, su oas fute, a sak su isus fwako in lumalos sifwanu, su oas fute luelos, fwin fwalu: a na ou ine.

Luk 6: 44.

12 *A* fwalu akkapyeak maa, maasrik su isus in lumalos sifwanu, a sak su isus fwako, su oas fute luelos, in lumalos sifwanu: a God El liye tu nu mwo.

13 *A* ekela a lututan in len si aktohu.

Len si akakoss: Fwat, malem a itu sikme.

14 *A* God El fwak, Lela me kalem in on yen enyenu lun kosrao in srealik len liki fon; a lela elos in me aku, a in akilen pal, a len, a yiu:

Sam 136: 5-9; 74: 17.

15 *A* lela elos in me kalem yen enyenu lun kosrao in ase kalem nu fwin fwalu: a na ou ine.

16 *A* God El orala luo me kalem lulap: kalem si ma yok tu in leum in len, a kalem si ma srik tu in leum in fon: a ouyepa itu.

Sam 8: 3.

17 *A* God El fulelosi nu yen enyenu tu in ase kalem nu fwin fwalu.

18 *A* tu in leum fwin len a fwin fon, a tu in sreala kalem liki los: a God El liye tu nu mwo.

Jer. 31: 35.

19 *A* ekela a lututan in len si akakoss.

Len si akimekos: ma aktuo ma God El orala-Moul lun Kosro. (Liye Gen. 2: 19).

20 *A* God El fwak, Lela kofu in

oswe ma moguigui puspis su moul, a lela mwon in sogsog yetun fwalu yen enyenu lun kosrao.

21 *A* God El orala ma moul lulap in mwea, a ma moul nu kemwu su moguigui, su kofu oswela yok in lumalos sifwanu, a mwon su oas po sogsog in lumalos sifwanu: a God El liye tu nu mwo.

22 *A* God El akinsimwowoyelos, a fwak, Komwos in kapak, a yokelik, a nekla kof in mweae, a lela mwon in yokelik fwin fwalu.

23 *A* ekela a lututan in len si akimekos.

Len si akonkos: (1) Kapak in Moul lun Kosro tokin ma God El orala in len si akimekos.

24 *A* God El fwak, Lela fwalu in oswe ma moul in lumalos sifwanu, kosro muna, a ma mwurakrak, a kosro lemnak in lumalos sifwanu: a na ou ine.

25 *A* God El orala kosro lemnak in lumalos sifwanu, a kosro muna in lumalos sifwanu, a ma mwurakrak nu kemwu in lumalos sifwanu: a God El liye tu nu mwo.

Len si akonkos: (2) orala Met (oanu in Gen. 2: 7, 21-23).

26 *A* God El fwak, Lela kut in oru met in lem lumem, oanu sruleyas: a lela elos in leum fwin ik in mwea, a fwin mwon yen enyenu, a fwin kosro, a fwin fwalu na fon, a fwin ma mwurakrak nu kemwu fwin fwalu.

Sap. 5: 1; Sam 100: 3; 8: 6, 7; Ekk. 7: 29.

27 *A* God El orala met in lumal sifwanu, in luman God El oralla; mogul a mutan El oralosla.

Pal in srike si meet: Pal Met elos tiu etu Ma Koluk (Gen. 1: 28-2: 13). Mwuleun si meet. (Gen. 2: 8-17).

28 *A* God El akinsimwowoyelos: a God El fwak nu selos, Komwos in kapak, a yokelik, a nekla fwalu, a kutanla: a leum fwin ik in mwea, a

fwin mwon yen enyenu, a fwin ma moul nu kemwu, su moguigui fwin fwalu.

29 *A* God El fwak, Liye, *Na* sot nu sumwos maasrik su oswe fute, su on fwin mutun fwalu na fon, *a* sak nu kemwu, su isus fwako su oas fute luelos; *a* fwa ma nomwos:

Sam 136: 25.

30 *A* nu sin kosro nu kemwu fwin fwalu, *a* nu sin mwon nu kemwu yen enyenu, *a* nu sin ma mwurak-rak nu kemwu fwin fwalu, su oas moul lalos, *Na* sun maa folfol nu kemwu ma nelos: *a* na ou ine.

31 *A* God El liye ma nu kemwu ma El orala, *a*, liye, tu nu arulanu mwo. *A* ekela *a* lututan in len si akonkos.

Sam 104: 24.

SAPTER 2.

Sabat montla tun God: akutin montla lun met lalanuni in orekma tari lun Kraist (Met Heb. 3: 1-4: 16).

A KOSRAO *a* fwalu aksafeyuk-la, *a* ma nu kemwu ma on lu.

Sam 33: 6.

2 *A* in len si akitkos God El aksaf-yela orekma Lal ma El oru: *a* El monla in len si akitkos liki orekma Lal nu kemwu ma El oru.

Ex. 20: 11; Heb. 4: 4.

3 *A* God El akinsimwowoye len si akitkos, *a* akmutalye: tu in len si ine El monla liki orekma Lal nu kemwu su God El oru *a* orala.

Isa. 58: 13, 14.

Sifwil fwakak ke Orekma su orekta in Sapter 1.

4 Pa ine fwil lun kosrao *a* fwalu ke elos orekla, in len si ke Jeova God El orala fwalu *a* kosrao.

5 *A* sak in imae sumwena kapak fwin fwalu, *a* maasrik in imae sumwena srunik: tu Jeova God El sumwena oru af in kakla nu fwin fwalu, *a* wanin met in eoki fwin fwalu:

6 *A* sie ok fwasyuk liki fwalu, *a* aksroksrokye mutun foko na fon.

Fwakien ma God El orala in Gen. 1: 27.

7 *A* Jeova God El srulela met liki kutkut in foko, *a* monyun nu in fwael momon in moul; *a* oas yurol nun in moul.

Gen. 3: 19, 2; Sam 103: 14; Isa 61: 8; Job 33: 4.

An sin met su tin etu ma koluk, a mwuwan si meet. (Liye Gen. 1: 28-30.)

8 *A* Jeova God El eokoala sie ima kutulap, in Eden; *a* El filiyee ino met si su El orala.

9 *A* Jeova God El akkapyeak liki in foko sak nu kemwu su mwo in liye, *a* mwo in mono; *a* ouyepa sak in moul in fulwen ima si ine, *a* sak in etu ma mwo *a* ma koluk.

Gen. 3: 22; Fwak. 2: 7.

10 *A* sie infwal sirorla liki Eden in aksroksrokye ima si ine; *a* liki an sa senalik sunanfwal akos.

11 *En* ma si meeta Paison: el ine raunela fwal Havila, su oas gold we;

12 *A* gold in fwal sa mwona: oas bedelium we, *a* eot oniks.

13 *A* en infwal si akluo Gihon: infwal si ine apunla fwal lal Kus na fon.

14 *A* en infwal si aktolu Hidekel: infwal si ine sirorla nu kutulap in Assiria. *A* infwal si akakosr Iufretes.

15 *A* Jeova God El es met sa, *a* filiyee in ima Eden tu lan orekmakin *a* liaun.

16 *A* Jeova God El sap nu sin met sa, *a* fwak, Kom ku in mono ke sak nu kemwu in ima si ine oanu kom lunsum.

17 *A* ke sak in etu ma mwo *a* ma koluk, nik kom mono ka: tu in len si kom mono ka paye kom fwa mise.

Rom 5: 12; 6: 23; I Kor. 15: 21, 22.

18 *A* Jeova God El fwak, Tiu mwo

tu met si *ine* in mugenu muta; *Na* fwa oru nu sel sie met in kasrel.

19 *A* Jeova God El orala liki foko kosro nu kemwu lun imae, *a* mwon nu kemwu yen enyenu; *a* wiselosla nu sin met si *ine* tu lan liye *e* su el *a* fwa sun elos: *a e* met si *ine* sun nu sin ma moul nu kemwu, pa *ine* elos.

Sam 8: 6-8.

20 *A* met si *ine* sun en kosro muna nu kemwu, *a* en mwon yen enyenu, *a* en kosro lemnak nu kemwu lun imae; *a* sumwena konoiyukyak met in kasru met si *ine*.

Luman oreyen mutan (Gen. 1: 27).

21 *A* Jeova God El oru tu motul fulosumwos in putati nu fwin met si *ine*, *a* el motul; *a* El es sogo sri in pap kel, *a* El sifwil fulseni ikwe nu sie in aolla.

22 *A* sri in pap sogo *ine*, su Jeova God El es liki met si *ine*, El orala sie mutan *ka*, *a* wisella nu yurin met si *ine*.

If me akul lun Surs su mutan pustal lun Kraist (Ef. 5: 28-32).

23 *A* met si *ine* el fwak, *Ma* *ine* sri in srik, *a* ikwe in ikuk: el fwa panpan Mutan, tu meyen el etuk liki Met.

24 Ke ma *ine* sie met el fwa filiye papa tumal *a* nine kiel, *a* fwa fulyun nu sin mutan kiel: *a* eltal fwa ikwe siefwunnu.

Mat. 19: 5; Ef. 5: 31.

25 *A* eltal koflufol, met si *ine* *a* mutan kiel, *a* tiu mekin.

SAPTER 3.

Me sri fwe tal If: (1) tu lan atolo ke kulan tun God.

A SERPENT el lalmetmet liki kosro lemnak nu kemwu in imae, su Jeova God El orala. *A* el fwak nu sin mutan si *ine*, Aok, ya God El

fwak, Nik komtal mono ke sak nu kemwu in ima si *ine*?

Fwak. 12: 9; 20: 2; II Kor. 11: 3.

Me sri fwe tal If: (2) tu lan sun kutu kas nu ke kas lun God.

2 *A* mutan si *ine* el fwak nu sel serpent, Kut ku in mono ke fwokin sak in ima si *ine*:

3 *A* ke fwokin sak sogo infulwen imae, God El fwak, Nik komtal mono *ka*, *a* nik komtal kal, saap komtal mise.

Me sri fwe tal If: (3) kikiap si meet (Jon 8: 44).

4 *A* serpent el fwak nu sin mutan si *ine*, Paye komtal fwa tiu mise:

Me sri fwe tal If: (4) tu lan in sefulat (Isa. 14: 12-14).

5 Tu God El etu tu in len si komtal mono *ka*, na mutomtal fwa igakla, *a* komtal fwa oanu God in etu ma mwo *a* ma koluk.

Me sri fwe tal If: (5) putati in mesruf (I Tim. 2: 14).

6 *A* ke mutan si *ine* el liye tu sak sogo *ine* mwo in mono, *a* me enun in liye, *a* me aklalmetmetye met, el es fwokin sak sogo *ine*, *a* mono; *a* el sun pa nu sin mogul tumal oelul, *a* el mono.

7 *A* mutaltal igakla, *a* eltal etu tu eltal koflufol; *a* eltal tuani nu sie sran sak fig, *a* oru nu seltal ma a-fwunyeltal.

God El suk met musalla. Kumausyukla montal ke len Sabat; mutamwauk orekma sasu Lal. (Jon 5: 17; 9: 4; 14: 10.)

8 *A* eltal lon pusren Jeova God ke El fwafwasyes in ima si *ine* ke fone-ni: *a* Adam *a* mutan kiel eltal mwukla liki ye mutun Jeova God in saku.

Job 31: 33; Jer. 23: 24.

9 *A* Jeova God El panon met si *ine*, *a* fwak nu sel, Kom *a* oeya?

10 *A* el fwak, *Na* lon pusrem in imae, *a* na sanen, tu na koflufol; *a* na mwukla.

11 *A* El fwak, Su fwak nu sum tu kom koflufol? Ya kom mono ke sak,

su *Na* sap nu sum kom in tiu *mono ka*?

12 *A* met si *ine* el fwak, Mutan si su Kom ase nu sik, el se nu sik liki sak sogo *ino*, *a na mono*.

13 *A* Jeova God El fwak nu sin mutan si *ine*, Mea si kom orala *ine*? *A* mutan si *ine* el fwak, Serpent el kiaepe yu, *a na mono*.

II Kor. 11: 6.

Mwuleun si akluo-mwuleun kel Adam.

14 *A* Jeova God El fwak nu sel serpent, Meyen kom oru ma *ine*, kom selnawiyuk liki kosro muna nu kemwu, *a* kosro lemnak nu kemwu in imae; kom fwa mwurakkin siom, *a mono* kutkut len nu kemwu lom.

15 *A Na* fwa filiye sruna in maslom *a* mutan si *ine*, *a* in maslon fute lom *a* fute lal: el fwa kunausla si-fwom, *a* kom fwa kunausla kapin-niel.

I Jon 3: 8; Isa. 7: 14; Mat. 1: 23; Rom 16: 20; Heb. 2: 14.

16 El fwak nu sin mutan si *ine*, *Na* fwa arulanu akyokye asor lom *a* isus lom; in asor kom fwa oswe tulig; *a* lunse lom *a* fwa nu sin mogul tumom, *a* el fwa leum fwom.

17 *A* El fwak nu sel Adam, Meyen kom porono pusren mutan kiom, *a mono* ke sak sogo *ine* su *Na* sap nu sum tu kom in tiu *mono ka*: selnawiyuk foko keyum; in asor kom fwa *mono ka* len nu kemwu in moul lom;

18 El fwa ouyepa akkapye kokol *a* otunme nu sum; *a* kom fwa *mono maasrik* in imae;

19 Ke fiyo lun mutom kom fwa *mono bred*, nu ke pal kom folokla nu in foko; tu kom etukla liki foko; tu kom kutkut, *a* nu ke kutkut kom fwa folokla.

Heb. 9: 27.

Lalafuni lal Adam.

20 *A* met si *ine* el panon en mutan kiel If; meyen el nine kien met e nu kemwu su moul.

Ma Jeova God El oru meyen lalafuni lal Adam.

21 *A* Jeova God El oru nu sel Adam *a* nu sin mutan kiel ma afwun-yeltal ke kulin kosro, *a nukmaltalan*.

Fwak 19: 8.

Nununku in supallalla aksafyela pal in srike si meet.

22 *A* Jeova God El fwak, Liye, met si *ine* el ekla oanu sie Ses, in etu ma mwo *a* ma koluk; *a ine*, saap el asroela paul, *a ouyepa* es liki sak in moul, *a mono*, *a moul* ma patpat:

Pal in srike si aklwo: Ella (Gen. 3: 22-7: 23).

23 Ke ma *ine* Jeova God El supalla liki ima Eden, tu lan eoki foko, su el etukla liki.

24 Ou *ine* El lusla met si *ine*; *a* El filiye Kerubim kutulap in ima si, *a* kutlas furur su forfor, in liaun inganek nu ke sak in moul.

Wellington Press, Kusaie.

Micronesian Mission Lun AMERICAN BOARD.